

art. 13. Et cum res sit grauis, videntur peccare mortaliter Prelati, dictam auctoritatem sine causa negantes, intelligentes, quod ex huiusmodi negatione anime suorum subditorum dispendium patientur. Vnde Religiosus penitens cui oportet non reuelare in Confessione Sacramentali sua peccata reseruata Superiori presenti, propter maximum periculum, quod ex tali reuelatione resultat, nolente ipso concedere licentiam, vt cum alio confiteatur, potest cum contritione licite celebrare ad euitandum scandalum, prout tenet Victoria in Sum. fol. 146. cum in hoc casu careat copia Confessoris. Quod est intelligendum nullo alio Confessore presente. Nam si est presens Confessor, tenetur confiteri de alijs peccatis mortalibus antequam ad celebrationem accedat, iuxta decretum Concilij Tridentini Sess. 14. cap. 7. qui Confessor directe absoluat eum a peccatis mortalibus, & indirecte a reseruatis, ratione quorum solus non habet copiam Confessoris & iudicatur ac si esset absens a Superiore. Quod intelligitur, quando peccata reseruata non habent annexam excommunicationem. Si enim habent annexam excommunicationem,

non

N a

minime